

# 1 PITA

## Khe Pita Fhara Khergi Gap

### Khe fharav ganinga buni khare.

Pita kha gava khergiap, mba guigira Zisas khotiḡap, simtigi bakivi ndi gumgi gu mbigi ndi mbarigi. Ana ana kherav, khan mbe nzuai, “Nde guigira Zisas khotiḡi gumgi gu mbigi, nde Zisas Kraisan buna vhuueḡ, nde taagi ne ndikndigiri. Zisas rimgiap taagia khavgi. Ana khavgiap, Fhe Bakime han Hevenan ndav, khan suangi, ana taagi zirirga.” Mbe mba ana suangi kamenḡ ndikndigip, ana rargi kirim, ana taagi zirirga.

Mbe guigira Zisas khotiḡi gumgi, mbe guigira simtigi ndi. Mba simtigi, mbe guigira Zisas khotiḡi ndikndigir mpari simtigi ma. Mbe maanḡ muuḡip guigira Zisas khotiḡi thivgiv, havhargip, ḡiv kirim, Zisas taagi zirirga. Mba tugen, mbe ne suanḡ vheza vhuuḡ guarara ndigirga.

### Fhe Bakimen gumgi gu mbigi tivir vhuuin muuḡv, mba ndirga bigir vhuuin rargip wari kiri.

<sup>1</sup> Gu Pita Krai Zisas farasarigi ḡaara guma mbe ma. Gu kha gava khergiap, nde Fhe Bakime won mbugi gumgi gu mbigi, gu anan nde ndi mbai. Nde mba tamtam fhura harigi ḡuir mba Pontus ḡu bakime gum, Garesia ḡu bakime, Kapadosia

ngu bakime, Esia ngu bakime gum, Bitinia ngu bakime, nde ntan ki. Gu kha gava khergiap nde ndi mbai.

<sup>2</sup> Fhe Bakime fhum wo vuzvugar ana nden won mbugim, nde ana gumgi gu mbugira ki. Ana Njina Naar nden kurkurigim, nde za wari won ruru tivi gum bigi ndiv, zam anan niingiap, ana niman ngarav ki. Nde ngarav kiv, nde tuituigip Zisas Kraisan buni vhuuñ zin ngirim, ana vizin nde ruarim, nde Fhe Bakime rimani niman ngaravra kirga. Fhe Bakimen kora muumbar khañ tigip nde phorgi kirim, nde ndavi mbirav, wari kiri.

*Kiri tivar vhuuñ nza garav, Hevenan mbur ki.*

<sup>3</sup> Nza ne suañv Fhe Bakime zi ndi vun kuamkuarga. Ana Fhe Bakime ma, ana nza Bakime Zisas Kraisan Ndia ma. Ana guigira kora muumbara bakime nzan kav, ana taagia Zisas Krai khavgi. Ana mba tuavar, ana kiri tiv gum ruru kaman nza niingi. Mba kiri tiv gum rurur kam nzan havhargirim, nza kiv, ana mba nzan nin za suangi bigir vhuuin rargip wari kirga.

<sup>4</sup> Ana Hevenan mpirmpirigar vhuuñ, ndir zav nzan farasegi. Mba mpirmpirigar vhuuñ ana mbatigirga fhu. Mba mpirmpirik, ana Fhe Bakime rimani niman ngarigi. Mba mpirmpirigar vhuuñ, anan vñizgirga tuktigi fhuvara. Fhe Bakime mba mpirmpiriga vhuuñ, ana ana bevahegim, ana Hevenan mbur ki. Nde ana phorgip Hevenan kiv, mba mpirmpiriga vhuuñ ndigip, kirga.

<sup>5</sup> Nde Krai kothigim, Fhe Bakime won nkasnkar nde garim, nde nzerara kirga. Ana khuen vuzvugi, ana taagi nde ndigirim, nde guigira nzerara kirga. Ana mba nden muun zav mbui bigen, ne Zisas taagi kha nuianan zirirga, ne za kirar hirga.

<sup>6</sup> Nde Fhe Bakime nden muun za mbui bigen, nde ne ndikndigap ndikndigi. Nde ntigem kha tuga tivinera, mbarkirga mparmparei nden hiv, simtigi gu zaagir nden niinga.

<sup>7</sup> Mba tivi nden him, Fhe Bakime nde guigira Zisas kothigi ndikndik, ana anan mpari. Nza khuen kanji, gor, ana guigira bigina vhuun guar ma. Mbe fhara anan mparav, ana tui, ana gor guar o, fhu. Nde guigira Zisas kothigi ndikndik, ana guigira gor kambarav, guigira bigina vhuun ma. Ne khan muunggi, gor, ana mbarigi bigin ma. Maan muungip, mbarkirga mparmparei nden hirga, nta khuen nde khivi, nde guigira Krai kothigi. Nde zungum Zisas Krai taagi zirip za kirar hirga tugar, ana guigira nden ndikndigip, nde ziri ndiv vun kuamkuav, zi bakimen nden niinga.

<sup>8</sup> Nde ana gangi fhuvara, nde ana vuzvugiap wari won ndavir ana ndiii. Nde vhira ana gari fhu, nde ana kothigap, anan ndikndigi. Nde anan ndikndigi ndikndik, ana guigira za kha nuianan ndikndigi kambarigi. Nza kamthoon za mba ndikndiga bun suangirga tukti fhuvara. Zakira fhuvara!

---

**1:5** Zo 10.28-29; 17.11-15; Zu 1.1      **1:6** Ro 12.12; 2 Ko 4.17; 6.10; Ze 1.2; 1 Pi 5.10      **1:7** Jop 23.10; Sng 66.10; Snd 17.3; Ais 48.10; Sek 13.9; Mal 3.3; Ro 2.7; 2.10; Ze 1.3      **1:8** Zo 20.29; 2 Ko 5.7; Hi 11.1; 11.27; 1 Zo 4.20

<sup>9</sup> Fhe Bakime taagia nde ndi ne khan muungi, nde Kraiskhothigi.

<sup>10</sup> Fhe Bakimen kamthoon gumgi, mbe ntigem Fhe Bakime nde muungi bigi, mbe nta bun nzuai. Mbe khan tigap n̄aara mbatiga mbuav, Fhe Bakime taagia nde ndigi kama n̄eñ ga nzuav gari.

<sup>11</sup> Fhe Bakimen N̄ina N̄aar, Fhe Bakimen kamthoon gumgir vhen kav, ana mbe rugim, mbe mba Kraiskdirga simtigi, mbe nta bun nzuai. Ana mba simtigi ndigip, ana zumgum zi bakime ndigirga. Mba Fhe Bakimen kamthoon gumgi vhira khuen nzuav nzai, “Mba taagia nza ndirga guma, ana rasi tugar h̄igirie? Thagina bigin mba tugar h̄igirie?”

<sup>12</sup> Mbe maan nzuaim, Fhe Bakime khuen mbe khivigi, mba bigi nta nduarira wari won tuga sarav hegirga tuktigi fhuvara. Zakira fhuvara! Mbe Fhe Bakime taagi nde ndirga kameñ bun nzuaim, nde ne mbarara. Ntigem, Fhe Bakime won N̄ina N̄aara sarigim, ana Hevenan kegap zergim, ana n̄kasnkar panan, gumgi ana buna vhu-ueñ bun nzuav, mbe Fhe Bakime nden muun zav suangi bunen, mbe ne bun suangi. Fhe Bakime enseri, mbe vhira Fhe Bakime nden muun za mbui bigen kan̄girgane vuzvugi.

*Fhe Bakime n̄garavra kirgen nzuav nzan kamgi.*

<sup>13</sup> Maan muun̄giap, nden ndikndigi zazera ndikndigip, nde tuituigira wari wo rui ruru tivi

---

**1:9** Ro 6.22    **1:10** Dan 2.44; Hag 2.7; Sek 6.12; Mt 13.16-17; 2 Pi 1.19-21    **1:11** Sng 22; Ais 53; Ru 24.26-27; 1 Pi 3.19; 2 Pi 1.21    **1:12** Dan 9.24; Ef 3.10; Hi 11.13; 11.39-40    **1:13** Ru 12.35; Ro 13.13; 1 Ko 1.7; 1 Te 5.6-8

ganiri. Nde guigira khaŋ tigiŋ havhargip Zisas khotigiri. Zisas Kraisa za kirar hirim, Fhe Bakime nden muun za suanji bigen vhuueŋ nde nen rarga ki, ana mba bigen nden muunga.

<sup>14</sup> Nde tari bigi mbararagi farar muungip bigi mbararari. Nde fhum, ndikndigi ki fhu, nde fhura mba ndikndigi gu vuzvugi mbatigi, nde nta zin vegi. Nde ntigem wom mba tivi zin ŋgi thari.

<sup>15</sup> Fhe Bakime nden kamgi, ana ŋgarav, ana vaira tivir vhuuŋra mbui guma ma. Maan muungiap, nde wari ndiv, Fhe Bakimen niŋgip, nden ruru tivi gu bigi ŋgaravra kiri.

<sup>16</sup> Fhe Bakimen buni vhuuŋ ki gap khaŋ nzuai, “Nde ŋgaravra kiv tivir vhuuŋra zin ŋgiri. Ne khaŋ muungip, gu nde Fhe Bakime, gu ŋgaravra ki.”

*Fhe Bakime vheza bakimen nza vhezgi.*

<sup>17</sup> Nde Fhe Bakimen kaav, “Darar” anan kaai. Mba Dara, ana nzan ziri ga ndikndigap, nza garap, nza nzuav nzuai fhuvara. Zakira fhuvara! Ana nza mbui tivi garav, nta nzuav nza nzuai. Maan muungiap, nde zazera ntige kha nuianan kiv, nde khueŋ kaŋgiri, kha nuian, ana guigira nzan ŋgu guar fhuvara. Maan muungiap, nde guigira Fhe Bakimen piin kiri.

<sup>18</sup> Nde ntige kaŋgi, nde fhum, nde wari won nzigi han ndigi tivi mbatigi, nde nta zin vegi. Fhe Bakime ntigem taagia nde vhezgiap, ana mba bigi tin nde ndigi. Ana nde ndigap, ana kha nuianan

---

**1:14** Ro 12.2; Ef 2.3; 4.17-18; 1 Te 4.5      **1:15** Wkp 11.44-45; 19.2; 20.7; Mt 5.48; 2 Ko 7.1; Hi 12.14; 2 Pi 3.11      **1:17** Lo 10.17; Mt 6.9; FG 10.34; Ro 2.11; 2 Ko 5.6; 7.1; 2 T 4.14; Hi 11.13; 12.28; VB 2.23      **1:18** Ese 20.18; 1 Ko 6.20; 7.23; 1 Pi 4.3

mbarigi bigi, gor gu sirva, ana ntan nde vhezgi fhuvara. Zakira fhuvara!

<sup>19</sup> Ana Krai vizinra nde vhezgi. Mba vizin, ana guigira vhez vun ndagi vizin ma. Krai, ana sum kav, bigina mpiga thanej ki fhu v sipsiva nguga fara muungi. <sup>a</sup>

<sup>20</sup> Fhe Bakime zumgum kha nuiana muungi. Ana fhum guarara, ana taagi nde vhezgip, nde ndir zav, mba njaarar muun zav, Zisas farasarav, mba njaarar ana niingi. Kha mpuur rari vige higim, Fhe Bakime nden kurkurar zav Krai ga sarigim, ana za kirar higi.

<sup>21</sup> Ana kirar higap, nden kurkurigim, nde Fhe Bakime kothigi. Fhe Bakime Krai ringim, ana taagia ana khavgiap, zi bakimen ana niingi. Maan muungiap, nde Fhe Bakime kothigap, ana nden nin za suanji bigi, nde ntan rarga ki.

*Nza guigira wari won ndavir nza phorgip guigira Zisas kothigi gumgi niiri.*

<sup>22</sup> Nde guigira buna guaren zin vui. Nde maan mbuav, nde nduarira Fhe Bakime rimani niman ngarav ki. Nde maan mbuav, nde wari won ndavir nza phorgip guigira Zisas kothigi gumgi

---

**1:19** Kis 12.5; Ais 53.7; Zo 1.29; 1.36; FG 20.28; 1 Ko 5.7; Hi 9.12-14; 1 Pi 1.2; VB 5.9 <sup>a</sup> **1:19** Mbe Isrerin, mbe wari wo muungi tivi mbatigi vhezir zav, Fhe Bakime suanj, bigi ndia zav, mbe sipsivi vhuunra ndiav zav, Fhe Bakime nzuav ofari ga mbui. Ndu Wok Pris 22:17 kegip gani ngip, ves 25 thigiri. Pita mba tiva ndikndigap kha nzuai, "Krai, ana guigira ofar muunga sipsivir vhuun guar ma." **1:20** FG 2.23; Ga 4.4; Ef 1.4; 1.10; Kor 1.26; Ta 1.2-3; Hi 9.26

**1:21** Zo 14.6; FG 2.24; 2.33; Ro 4.24; 5.1-2; 10.9; Fi 2.9; Hi 2.9; 1 Pi 3.22 **1:22** Zo 13.34; FG 15.9; Ro 12.9-10; 1 T 1.5; 2 Pi 1.7; 1 Zo 3.18

gu mbigi ga ndi. Nde maan mbui, nde khan tigip havhargip, guigira mbe vuzvugip, guigira wari won ndavir za mben niinri.

<sup>23</sup> Fhe Bakime nde muungim, nde niamuun taagia nde tegi fara muunjiap, nde gumgi gu mbigir nkaa ki. Fhe Bakime won buna vhuuen nkasnkar panan, ana nde muunji. Fhe Bakime buna vhuuen nkasnka ki. Ana mbara muunjiap ki bigina fara muunji. Fhe Bakime buna vhuuen zazera mbara muunjiap ki. Ne guigira buna guaren ma. Nde ntigem, nde vhiizi fhu Dara tari ma. Nzan ndegi gu nzigi, mbe za vhiizi gumgi ma.

<sup>24</sup> Fhe Bakime buni vhuun ki gap khan nzuai, “Kha gumgi gu mbigi, mbe tuga mpeen kha nuianan kegirga tuktiigi fhuvara. Mbe vhazigi fara muunjiap vhemkora vhiizi. Mbe zi bakivi vhazigi shivi fara muunjiap fhura koskogav niinri. Vhazigi nzii, ntan shivi koskogav niinri.

<sup>25</sup> Fhe Bakime bunen, ne zazera mbara muunjiap ki.” Mba bunen, mbe mba buna vhuuen, mbe ne bun nde suangi.

## 2

*Guma Bakime, ana zazera mbara muunjiap ki biinbiin ki kiman vhuun ma.*

<sup>1</sup> Nde ntigem tivir nkaa ndigi. Maan muunjiap, nde mba tivi mbatigi, nde zam nta thav, nde mba bigi guiguigi tivi, nde vhira nta thari. Nde vhira fhura wari ga shishigi tivi, nde zam nta thari. Nde

---

**1:23** Zo 1.13; Hi 4.12; Ze 1.18; 1 Zo 3.9    **1:24** Sng 103.15; Ais 51.12; Ze 1.10-11    **1:24** Ais 40.6-8    **1:25** Zo 1.1; 1.14; 1 Zo 1.1-3    **2:1** Ef 4.22; 4.25; Kor 3.8; Hi 12.1; Ze 1.21

vhira guma bigi vhirve kim, nde ana niihi tivi, nde vhira nta thav, vhira harigi gumgi ziri mbugum mbe nzuai tivi, nde vhira nta thari.

<sup>2</sup> Nza khuenj kanji, niamuunj ntigera ruagi tar, ana guigira ta vuzvugi. Mba tivara, nde guigira Fhe Bakime han kega zi ta nde guigira ana vuzvugiri. Ana bigina mbatiga the anan ki fhuvara. Mba khesharigi ta, ana nden ntuur kurkurigim, nta thigi havhargip njakanjagip, Fhe Bakime nde niingiri kiri tivar kama zin ngirga. Nde maanj muunjv, zungum Fhe Bakime phorgip nzerara kirga.

<sup>3</sup> Nde Guma Bakime nza mbui tiv, nde anan mparav, nde kanji, Guma Bakime tivar vhuunja nza mbui.

<sup>4</sup> Guma Bakime, ana zazera mbara muunjiap ki kima fara muunji, nde ana han ziri. Kha gumgi gu mbigi ana garim, ana bigina mbatiga fhara muunji. Mbe maanj muunjiap ana thav, ana fekhingi. Fhe Bakime anan farasarav, ana garim, ana guigira bigina vhuunja ma.

<sup>5</sup> Nde vhira zazera mbara muunjiap ki njii ma. Fhe Bakimen Nina Naara njakanjkar panan, Fhe Bakime nden muunjiap, nde anan phen kirga. Nde maanj muunjiap, Fhe Bakime nden farasegirga, nde anan rotu gari gumgi kiv, nde Zisas Kraisi zin panan, nde Fhe Bakime vuzvugi ofa farar muunjiap, nde wari ndi Fhe Bakimen niingirim, ana nde vuzvugirga.

<sup>6</sup> Fhe Bakime buni vhuunji ki gap khanj nzuai,

---

**2:2** Sng 34.8; Mt 18.3; Mk 10.15; 1 Ko 3.2; 14.20; Ef 4.15-16; Hi 5.12-13; 6.5    **2:4** Sng 118.22; Ais 28.16; Mt 21.42; FG 4.11    **2:5** Kis 19.6; Ais 61.6; Hos 14.2; Mal 1.11; Ro 12.1; Ef 2.21-22; Fi 4.18; Hi 13.15-16; VB 1.6    **2:6** Ais 28.16; Ro 9.33; Ef 2.20



“Nde mbarara. Gu mba phenan muungirim, ana havhargirga kiman vhuun guarara, gu ana heav, ana ndi ndarigim, ana khar ki. Ana guigira kima havharar vhuun ma. Gu ana ndi fagim, ana Saion mbikshiman ki. Ana kangiap, ana kothigi gumgi, mbe memira ndigirga tuktigi fhu.”

<sup>7</sup> Nde Kraiss kothigi ntiri, Kraiss, ana guigira nden kurarga kiman vhuun ma. Mba ana kothigi fhuv gumgi, Fhe Bakime buni vhuun ki gap khan nzuai,

“Mba pheni ga mbui gumgi, mbe mba kima kangiap, khan ana nzuai, ‘Ana kima mbatik ma.’

Mbe maan suangiap, ana phogia mbur khingi. Mba kim, ana ntigem, ana fharav mba phena bina suirigim, ana havhargi.”

<sup>8</sup> Fhe Bakime buni vhuun ki gap vhira khan nzuai, “Mba kim, ana vhira mben tuav ga ndarigi kima fara muungi. Mbe vhirvera mba kiman savkoriv, riv, mbarigirga.” Mbe Fhe Bakime buna vhuuen daasui. Mbe maan muungiap, mba kiman savkorav wari ri. Fhe Bakime fhum suangi, mbe mba tivar muunga.

<sup>9</sup> Fhe Bakime, ana nden farasegi, nde anan gumgi gu mbigi guari ma. Nde ngui vhirve gari guman panan rotu gari gumgi ma. Nde vhira ngarav Fhe Bakimen gumgi gu mbigi guari ma. Nde Fhe Bakime wora mbuigi gumgi gu mbigi ma.

---

**2:7** Sng 118.22; Mt 21.42; FG 4.11      **2:8** Ais 8.14-15; FG 4.11; Ro 9.22; 9.33; 1 Te 5.9      **2:9** Kis 19.5-6; Lo 4.20; 7.6; 14.2; Ais 9.2; 40.20-21; 43.20-21; Zo 17.19; FG 20.28; 26.18; Ef 5.8; Kor 1.13; Ta 2.14; 1 Pi 2.5

Nde, Fhe Bakime nde muunḡi tivir vhuuḡ guarira, nde nta bun suanga. Fhe Bakime nden kamgim, nde fhum kegi ḡingḡ, nde ana thagim, ana nde ndigap won vhava ḡaarar zigi. Mba vhavar ḡaar, ana ḡuigira vhavar ḡaara vhuuḡ ma.

<sup>10</sup> Nde fhum ḡumḡi ḡu mbigi khini kegi. Nde ntigem, nde Fhe Bakime ḡumḡi ḡu mbigi ki. Nde vhira fhum, nde Fhe Bakime kora muumbara ndigi fhuvara. Nde ntigem, nde ana kora muumbara ndigi.

## **Nza harigi ḡumḡi ḡu mbigi riḡar nza nzerara ruri.**

*Nza fhura Fhe Bakimen ḡaara ḡumḡi farar muunḡip wari kiri.*

<sup>11</sup> Nde nan kivntogi ḡuari, nde kha nuianan, nde harigi ḡḡui ḡumḡi fara muunḡiap kav, nde vhira vhunaa fara muunḡiap fhura tuigap ki. Maan muunḡiap, ḡu khaḡ nde nzuai, nde wari won ndavi vuri vuzvugi mbatigi, nde kir nta segiri. Mba tivi nde ndavi vherir kav, zazera nde ndikndigi phorga shogi.

<sup>12</sup> Nde kir Fhe Bakime segi ḡumḡi, nde mben riḡar nzerara ruri. Mbe maan muunḡip, buni mbatigir nde suanga, mbe zumḡum nde mbui tivir vhuuḡ ḡaniv, mbe Fhe Bakime za kha nuianan ki ḡumḡi ḡu mbigi muunḡi tivi mbatigi ḡa suanv mbe suanga tugar, mbe Fhe Bakime zi ndiv vun kuamkuarga.

---

**2:10** Hos 1.9-10; 2.23; Ro 9.25      **2:11** 1 Sto 29.15; Sng 39.12; Ro 13.14; Ga 5.17; 5.24; Hi 11.13; Ze 4.1      **2:12** Mt 5.16; Ru 19.44; Ro 12.17; 2 Ko 8.21; Fi 2.15; Ta 2.8

13 Nde Guma Bakime ndikndigip, za mba ngui gari gumgir pani piin kiri. Ngui bakivi vhirve gari guman pan, ana guigira fharigi guma ma. Nde ana buni zin ngiri.

14 Nde vhira ngui bakivi gari gumgir pani, nde vhira mbe buni zin ngiri. Mba ngui vhirve gari gumgir pani mbe ndi fegim, mbe kav, mba tivi mbatigi ga mbui gumgi, mbe zaagir mbe ndiiv, tivir vhuuian mbui gumgi, mbe mbe ziri ndi vun kuamkuarga.

15 Fhe Bakime khuen nde vuzvugi, nde tivir vhuuira muunri. Nde tivir vhuuin muunv, mba pham buni nzuav ndikndigi vhuuin ki fhuv gumgi, mbe buni mbatigir nde nzuai, nde mbe thiri pingirga.

16 Nde bikbigi gumgi rui rurur muunri. Nde mba rurur muunv, nde khuen ndikndigi thari, “Nza ntigem bikbigi.” Nde maan suangip, nde mbarkirga tivi mbatigir muunga. Zakira fhuvara! Nde Fhe Bakime njaari gumgi khini rui rurur muunri.

17 Nde tivir vhuuin za kha gumgir muunri. Nde vhira guigira wari won ndavir nza phorgav guigira Zisas kothigi gumgi gu mbigir nunri. Nde vhira Fhe Bakime riviv anan piin kiri. Nde vhira tivir vhuuin ngui bakivi vhirve gari guman panan muunri.

*Nza Kraisa tiva zin ngip zaagi ndirga.*

18 Nde njara gumgi, nde wari wo gari mpiinsigi piin kiv, mbe nzuai buni zin ngiri. Gu mba

---

**2:13** Mt 22.21; Ro 13.1; Ta 3.1    **2:15** Ta 2.8; 1 Pi 2.12; 3.16    **2:16**  
 1 Ko 7.22; Ga 5.1; 5.13    **2:17** Snd 24.21; Mt 22.21; Ro 12.10; Fi 2.3;  
 Hi 13.1; 1 Pi 1.22    **2:18** Ef 6.5; Kor 3.22; 1 T 6.1

mpiiṅsiḡi vhuuṅra gum mbarara nde nzuai mpiiṅsiḡi piin kir zav nde nzuai fhuvara. Zakira fhuvara! Nde mba vhav shi mpiiṅsiḡi mbatiḡi, nde vhira mbe piin kiri.

<sup>19</sup> Ahaṅ, nde maanṅ muuṅḡip fhura Fhe Bakime ganirim, ana nde ndikndiḡi ganinga, nde ṅgarirga. Mbe maanṅ muuṅḡip fhura zaagir nden niinga, nde mba zaagi ndirga, Fhe Bakime tivar vhuun nden muunga.

<sup>20</sup> Nde maanṅ muuṅḡip tivi mbatigir muunga, mbe nta suaṅv, nde shogirga, nde mba zaa ndirga, nde ne suaṅv thagina bigina ndigirie? Nde maanṅ muuṅḡip tivar vhuun muunga, mbe ne suaṅv nde shogirga, nde mba zaa ndirga, Fhe Bakime tivar vhuun nden muunga.

<sup>21</sup> Fhe Bakime mba tiva zin ṅgir zav nden kamgi. Ne khaṅ muuṅḡi, Kraiṅ vhira nden kurkura zav zaagi ndiḡi. Ana won tivar nde khivigi, nde mba tiva zin ṅgiri.

<sup>22</sup> Ana tiva mbatik thuenḡ muuṅḡi fhu, ana vhira buna thuenḡ guigi fhu.

<sup>23</sup> Mbe buni mbatigir ana nzuai, ana mbe buna mbatik thuenḡ ṅgarkarigi fhu. Ana zaa ndiav, ana mben farfa zav suaṅḡi fhu. Zakira fhuvara! Ana wo ndi Fhe Bakime farve kḡingi. Ana nzerara za mba bigi ndiv thigar mbai guma ma.

<sup>24</sup> Kraiṅ, ana khanararenḡ ga ntorgap, ana nza muuṅḡi tivi mbatiḡi, ana za ntan wo fhava phorgi. Ana maanṅ muuṅḡim, nza mba tivi mbatiḡi, nza

---

**2:20** 1 Pi 3.14; 3.17; 4.14-15      **2:21** Mt 16.24; Zo 13.15; FG 14.22; 1 Pi 3.18; 1 Zo 2.6      **2:22** Ais 53.9; Zo 8.46; 2 Ko 5.21; Hi 4.15      **2:23** Ais 53.7; Mt 27.39; Zo 8.48-49; Hi 12.3; 1 Pi 3.9      **2:24** Ais 53.5; Ro 6.2; 6.11; 7.6; Hi 9.28

za nta tharga. Nza nta thav, nza k̄iri t̄iva vhuun muun̄v, nza tivir vhuuin̄ra zin̄ ŋḡirga. Mbe hor mbatigar ana muun̄gim, ana zaagi mbatigi ndigim, nza taagia nzerigi.

<sup>25</sup> Nde zam sipsivi fara muun̄gip, fhura tamtam ruigi. Nde ntigem, Fhe Bakime taagia nde ndigim, nde zav wari wo vuavi han zegi. Nde vuavi tui-gia nden ntuu gari guma ma.

### 3

*Khe mani gu muuīaŋ rīgi gum̄gi gu m̄bigi ga nzuai buni khare.*

<sup>1</sup> Mba t̄ivara, nde mani ga rīgi m̄bigi, nde wari wo manin piin k̄iri. Nden mani thari, mbe Fhe Bakime buna vhuueŋ zin̄ vui fhu. Nde mben muuīŋ Fhe Bakime piin ki tivir vhuuīŋ, mbe nta gan̄ip, nde buni tharir mbe suanga fhu, mbe ndavi dorgirga.

<sup>2</sup> Nde mben muuīŋ, mbe nde gari, nde nzerara ruav, guigira Fhe Bakime piin ki.

<sup>3</sup> Nde v̄hira fhura k̄irar wari wo fhavi sīiŋv, wari wo pani sīiŋv, nta far̄iv, gorar muun̄gi bigi sīiŋv, mbarkirga shagi vhuuīŋ shari thari. Zakira fhuvara!

<sup>4</sup> Nde mbar̄igi fhuv sīin wari wo ndavi vheri, nde nta sīiŋri. Mba sīiŋ khare, ndav nzerara kav, ndav mbirav ki. Mba t̄iv, ana Fhe Bakime rīmani nīman, ana t̄ivar vhuun̄ŋ guar ma.

---

**2:25** Ais 53.6; Ese 34.5-6; 34.23; Mt 9.36; Zo 10.14; Hi 13.20    **3:1**  
Mt 18.15; 1 Ko 7.14-16; Ef 5.22; Kor 3.18; Ta 2.5    **3:3** 1 T 2.9; Ta 2.3  
**3:4** Sng 45.13; Ro 7.22; 2 Ko 4.16

5-6 Mba fhum kegi mbigi, mba mbiga mbe khare, Sara. Sara, ana wo ndiv Fhe Bakime n̄iṅgiap, ana muun zav suan̄gi bigi, ana n̄tan rarga ki. Mbe mba khesharigi t̄ivir wari n̄ziiv, wari won mani piin ki. Sara Abraham n̄zuai buni zin vov, kha kakaman ana mbui, “Guman Rum”. Nde maan̄ muun̄gip t̄ivir vhuuin muun̄v, nde bigin then rivirga fhu, nde Sarar ṅkarmbigir fara muun̄gi.

7 Nde muun̄ ga rigi gumgi, nde ndikndigi vhuun̄ zin ṅgip, nde tuituigip wari won muun̄ phorgip piigip wari kiri. Mbigi, mben fhavi ṅkasṅkagi fhuvara, nde t̄ivar vhuun̄ra mben muun̄ri. Nde khaṅ muun̄gip kan̄giri, mba mbigi, mbe vhira zazera mbara muun̄giap ki b̄iṅbiṅ ndirga. Nde maan̄ muun̄gip mba t̄ivi zin ṅgirga, nde Fhe Bakime phorgip suanga, bigin the nde ana phorga n̄zuai buni tuav puigi fhu.

*Nza zazera t̄ivar vhuun harigi nt̄irir muun̄ri.*

8 Gu ntigem kha buni v̄hizi zav, gu khaṅ n̄zuai. Nde za wari t̄igip ndikndik ndava bavira k̄iv, za kha gumgir korar muun̄ri. Nde guigira Zisas khot̄igi gumgi gu mbigi, nde guigira wari won ndavir wari wo phorge regi nt̄iri ga nd̄ii t̄ivara, nde wari won ndavir mben n̄iṅv, guigira mben korar muun̄v, r̄ir̄ii t̄ivi thari.

9 Gumgi t̄ivi mbat̄igir nden muun̄rim, nde nta ṅgarka thari. Mbe buni mbat̄igir nde suan̄rim, nde mben buni mbat̄igi ṅgarkav buni mbat̄igir mbe suan̄ thari. Zakira fhuvara! Nde kha t̄ivar mben

---

3:5-6 Stt 18.12    3:7 1 Ko 7.3; 12.23; Ef 5.25; Kor 3.19; 1 Te 4.4    3:8  
 Mt 5.44; Ro 12.10; Fi 3.16; Kor 3.12; 1 Te 5.15; 1 Pi 2.17; 2.23    3:9  
 Mt 25.34; Ro 12.14; 1 Te 5.15

tivi ngarkari. Nde mbe suanyv Fhe Bakime phorgip suanyrim, ana tivar vhuun mben muunri. Fhe Bakime mba tivar muun zav nden kamgi. Nde nduarira ana ngir kaman vhuun ndirga.

<sup>10</sup> Nza kanji, Fhe Bakime buni vhuuin ki gap khañ nzuai,

“Guma, ana mpirmpiriga tiv nzerara kiv, ana ndikndigip, tugir vhuuin kir sanv, ana buni mbatigi suan thari, ana vhira bigi guiguigi thari.

<sup>11</sup> Ana wo kirar tivi mbatigi ga segip, ana tivi vhuuinra zin ngiri.

Ana harigi gumgi gu mbigi phorgip ndava bavira kiv, ana khañ tigip havhargip, mba tiva zin ngiri.

<sup>12</sup> Ne khañ muungi, Guma Bakime, ana tivir vhuuiañ mbui gumgi gu mbigi garav, ana mbe ana phorga nzuai buni, ana khuarar nta rigi.

Guma Bakime, ana tivi mbatigi ga mbui gumgi gu mbigi, ana mben vuzvugi gori.”

*Nza wari wo mbui tivir vhuuiañ nzuav zaagi ndi, ne nzerara.*

<sup>13</sup> Nde maan muungip khañ tigip havhargip tivi vhuuin zin ngirga, the tiva mbatigar nden muungirie?

<sup>14</sup> Nde maan muungip tivir vhuuin muunv ne suanyv zaagi ndirga, nde ne suanyv ndikndigiri. Mbe rivirga bigin thuen nden muunrim, nde mben

---

**3:10** Ze 1.26; 1 Pi 2.1; 2.22    **3:10** Sng 34.12-16    **3:11** Ais 1.16-17; Ro 12.18; Hi 12.14    **3:12** Zo 9.31    **3:13** Snd 16.7; Ro 8.28    **3:14** Jer 1.8; Mt 5.10; Ze 1.12; 1 Pi 2.20; 4.14    **3:14** Ais 8.12-13

rivi thari. Nde ne suanj ngava mbatigar muunj thari. Zakira Fhuvara!

<sup>15</sup> Nde wari won ndavir vherir, nde Kraistra ndigiri, ana nden ndikndigir fhara kiri. Ana nde Bakime ma. Mbe maanj muungip, nde rarga ki bigina vhuunj ninje suanjv nden nzanga, nde zazera mben ngarka sanjv wari kiri.

<sup>16</sup> Nde zazera bunin vhuuinjra mben buni ngarkav, mbarara mbe suanjri. Nde vhira Fhe Bakime rimani niman, nde nzerara wari kiri. Mbe maanj muungip buni mbatigir nde suanjv nde siinga. Nde Kraistrivar vhuunj zin vuim, nde nzii gumgi, mbe wari wo suanji buni mbatigi, mbe ntan mbergirga.

<sup>17</sup> Fhe Bakime vuzvugirga, nza kha tivir vhuuian mbuav ntan panan zaagi ndi, ne nzerara. Nza maanj muungip tivi mbatigir muunjv, ntan panan zaagi ndirga, ne guigira bigina mbatigen ma.

*Krais rimgiap, nza ndir zav taagia khavgi.*

<sup>18</sup> Nde vhira Kraistriga ndikndigi. Ana tivir vhuuinjra zin vui guma ma. Ana kha tivi mbatigi ga mbui gumgi gu mbigi njana ndigap, ana tivi mbatigi vhizi zav rimgi. Ana rimgiap, nde ndiga Fhe Bakime han zi. Ana rimrim buenjra muunji, ana wom ringirga fhu. Ana kha nuianan guma kim, mbe ana shogim, ana rimgi. Ana rimgiap, taagia khavgiap, Hevenan ndav, ana njina fara muungiap ki.

---

**3:15** FG 4.8; Kor 4.6; 2 T 2.25      **3:16** Ta 2.8; Hi 13.18; 1 Pi 2.12

**3:17** 1 Pi 2.20      **3:18** Ro 5.6; 6.10; 8.11; 2 Ko 13.4; Ef 2.18; Kor 1.21-22



19 Ana nina fara muunġiap kav, ana vov, gumgi ntuu binan ki nġun vergap Fhe Bakime buna vhu-uej bun mbe suanġi. **a**

20 Mba gumgi, mbe fhum Noa tugen, mbe Fhe Bakime buni vhuuġ kaadogi. Noa kegi tugen, tivi mbatigi guigira kivgi, Fhe Bakime vhemkora nen vhezar mbe niinġi fhuvara. Zakira fhuvara! Ana Noan rarga kim, ana za won kema bakime muunġia thugi. Ana won kema bakime muunġia thugim, harathigi gumgira, mbe mba kema bakime vhen vergim, mbi bakime vhuunġia ndav, mbe khiga mba kema fegim, Fhe Bakime taagiap mbe ndigim, mbe nzerara ki.

21 Mba mbi, ana nza ndavi dorgap Fhe Bakime zin panan ruai, nen panpana rugi. Ne khan muunġi, nza Fhe Bakime mbin panan, ana taagia nza ndigi. Nza ana zin panan ruagi ruari, mba ruari, ana nzan fhava nzan nzan ruai ruari fhuvara. Zakira fhuvara! Mba ruari, nza Fhe Bakime phorgap khan nzuai ruari ma. Nza ana rimani niman nġaravra kirga. Nza ana zin panan ruagi ruari, Fhe Bakime taagia nza ndir zav, ne nzuav Zisas Kraiss rimġim, ana taagia ana khavgi. **b**

---

**3:19** Stt 6.1–7.24; 8.18; Hi 11.7; 2 Pi 2.5 **a** **3:19** Bigi kanġi gumgi mbari kha ndikndigi ga mbui. Mba gumgi gu mbigir ntuu, mbe fhum Noa tugen vhiġi gumgi gu mbigir ntuu ma. Mbe mbari kha ndikndiga mbui. Ana mba Fhe Bakime kaadogi niningi o, Fhe Bakime enseri ga nzuai. Mbe Zudain khuej khotiġi. Mbe gumgi gu mbigir ntuu, mbe Noa tugen vhiġim, Fhe Bakime mbe ndim phena tivanenġ ga suegi ntiri ma. **3:21** Ro 10.10; Ef 5.26; Ta 3.5; Hi 10.22 **b** **3:21** Kha vezar Grikar kaman kha kamenġ tuituigiap hiġi fhuvara.

<sup>22</sup> Ana ana khavgim, ana ntigem Hevenan ndagi. Ana ndav, ntigem ana Fhe Bakime guva harenj ga perav mbur ki. Ntigem mba Fhe Bakime enseri gum, mba nkasnka bakime ki njiningi, mba nkasnka ki bigi zam, mbe ana piin ki.

## **Mparmpara Bakime guigira Zisas khotigi gumgir him, mbe zaagi ndi.**

### **4**

*Nza won ndavi vuri tivi zin ngi thari.*

<sup>1</sup> Krais, ana won fhavara ana zaagi ndigi. Nde ana suirigi ndikndigara suirari. Ne khanj muungji, guma maanj muungji, ana won fhavara zaagi ndigirga, ana tivi mbatigi ga mbui tiva tharga. <sup>a</sup>

<sup>2</sup> Nde maanj muungji njamra kiv, nde won vuzvugi zin ngirga fhu. Zakira fhuvara! Nde Fhe Bakimen vuzvugara zin ngiri.

<sup>3</sup> Nde za ndava vura tivi zin vegap, mba Fhe Bakime khotigi fhuv gumgi guigira vuzvugap, mbui tivi mbatigi, nde nta muungji. Mba tivi khare, gumgi gu mbigi ruarir wari ndi, tivi mbatigi ga nzuav ndavi khavi, pharar nannani pi, shaa bakivi ga mbuav mba kivia pav, kiviap pharar nannani pav tivi mbatigi ga mbuav, Fhe Bakime suangi tivi daasuav, mbarivi gu tori guigira tivi mbatigi guarira mbuav, ntan rotu mbui.

---

**3:22** Sng 110.1; Mt 22.44; Ro 8.34; 8.38; 1 Ko 15.24; Ef 1.20-21    **4:1** Ro 6.2; 6.7; Ga 5.24; Kor 3.3-5    <sup>a</sup> **4:1** Zaa ndi tiva nzuai buni mbari vhira I Pita 3:13 kegip gani ngip 22 thigiri.    **4:2** Zo 1.13; Ro 6.11; 2 Ko 5.15; Ga 2.20; 1 Zo 2.16    **4:3** FG 17.30; Ef 2.2-3; 4.17; Ta 3.3

<sup>4</sup> Nde ntigem, nde Fhe Bakime kothigi fhuv gumgi phorgap feiŋ gu daa ndikndigi ndikndigi ga mbui fhu. Nde nta mbui fhuv, mbe mba tiva gangiap, ŋgava mbatiga muŋgiap, mbe buni mbatigir nde nzuai.

<sup>5</sup> Mbe zungum, mbe nduarira Fhe Bakime nima thivgip, mbe wo muŋgi tivi, mbe nta bun ana suanga. Mba tivi ga nzuav nzuai guma, mbe suan zav mben rarga mbur ki. Ana ŋamki gumgi mbui tivi ga suanv mbe suanga, ana vħira vħizgi gumgi muŋgi tivi ga suanv mbe suanga.

<sup>6</sup> Mba buna niēŋra nzuav Krai rimgiap, ana vov, mba vħizgi gumgi ki ŋgun vergap, won buna vhuueŋ bun mbe suangi. Khueŋ guigi guarara, kha nuianan ki gumgi tivi mbatigi ga muŋgiap, mbe za vħizirga, mbe mba tiva muŋgiap vħizgi. Mbe ntigem Krai won buna vhuueŋ bun mbe suanġim, mbe ne kothigap, mbe zazera mbara muŋgiap ki biŋbiŋ ndigap, mbe ŋiniŋgi ga gegap, mbe Fhe Bakime ki fara muŋgiap wari ki. **b**

---

**4:4** FG 13.45; 18.6; 1 Pi 3.16      **4:5** FG 10.42; 17.31; 1 Ko 15.51-52; Ze 5.9      **4:6** Ro 8.10; 1 Ko 5.5      **b 4:6** Khaŋ mbe Grikar kaman suangi kameŋ, kha vezar tuituigiap ħigi fhuvara. Mbe gumgi mbari kha ndikndiga mbui. Ana kha nzuai kameŋ ne sapta 3 ves 19 fara muŋgi. Mbe ne domdorav khaŋ nzuai. “Mba bigina niēŋra nzuav, Zisas Fhe Bakime buna vhuueŋ bun mba vħizgi gumgi gu mbigi ga suangi. Mba gumgi gu mbigi, mbe za kha gumgi gu mbigi vħizgi tivara muŋgiap vħizgi. Mbe wari wo muŋgi tivir mbatigir vheza ndigi. Ana vov, Fhe Bakime buni vhuuiŋ bun mbe suangi. Mbe maan muŋgip ana buni vhuuiŋ kothigirga, mbe zazera mbara muŋgiap ki biŋbiŋ ndigip, mben ntuu Fhe Bakimen ŋina ki farar muŋgip kirga.”

*Nza Fhe Bakime fhura nza niingi ndikndigir vhuuin, nza tuituigira nta ngariri.*

<sup>7</sup> Kha bigi za vhezirga tuk han mbarigi. Maan muungiap, nde tuituigip ndikndigip, tuituigip wari wo mbui tivi ganiv, nde tuituigip Fhe Bakime phorgi suanga.

<sup>8</sup> Kha tivi za nta kharav farigi tiv khare, nde guigira Zisas kothigi gumgi gu mbigi, nde guigira wari won ndavir mben niingv, mba tiv, nde guigira ana suirav havhargiri. Mba tiv khan muungi, harigi guma tivi mbatigi vhirver nde muungi, nde za nta mbevav, nta ndikndik ngariri. Mba tiv, ana mba harigi tivi, kambarigi.

<sup>9</sup> Maan muungip, guigira Zisas kothigi gumgi gu mbigi thari ziv, nden han kirim, nde tuituigip mbe ganiri. Nde mba naarar muungv, nde ne suangv, ndavi mbarigi thari.

<sup>10</sup> Nde bevbevira Fhe Bakime nde kora muungiap, ana fhura mba ndikndigi vhuuin gum ana won naarir muun zav niingi nkasnkagir nde niingi. Maan muungip, nde bevbevira, nde Fhe Bakime naara gumgir vhuuin kiv, mba ndikndigir vhuuin, nde warira kurkurari.

<sup>11</sup> Maan muungip, guma the Fhe Bakime buna vhuuen bun suanga ndikndiga vhuun ndigi, ana guigira Fhe Bakimen buna vhuuenra bun suagri. Guma gumgir kurkurigi, ana Fhe Bakime ana ndii nkasnkari, ana khan tigip havhargip, mba

---

**4:7** Mt 24.13-14; Ru 21.34; Ro 13.11-12; 1 Ko 10.11; Fi 4.5; Kor 4.2; 2 Pi 3.9; 1 Zo 2.18    **4:8** Snd 10.12; 1 Ko 13.7; Kor 3.14; Hi 13.1; Ze 5.20; 1 Pi 1.22    **4:9** 2 Ko 9.7; Fi 2.14; Fm 1.14; Hi 13.2    **4:10** Ro 12.6-8; 1 Ko 4.1-2; 4.7; Ta 1.7    **4:11** 1 Ko 3.10; 10.31; Ef 5.20; 1 Pi 5.11; VB 1.6

ñaarar muuṅri. Nde maanṅ muuṅrim, harigi gumgi nde mbui bigi ganinga. Mbe nde ganiv, Zisas Kraisan zin panan mbe Fhe Bakime zi ndiv vun kuamkuarga. Ana zi bakime gum ṅkasṅka bakime zazera mbara muuṅgiap ki. Ne guigi guarara.

*Nza Krai zaagi ndigi mbugum, zaagi ndirga ne suaṅv ndikndigirga.*

<sup>12</sup> Nde guigira na phorgap Zisas Krai kothigi gumgi, nde ntigem mparmpare vhav nde shi fara muuṅgiap nde shirga. Nde ne suaṅv ṅgava mbatigar muuṅgiap, khueṅ ndikndigi thari, khe harigi khesharigi tiv nzan hi. Zakira fhuvara!

<sup>13</sup> Nde mba mparmpare nden hi, nde Krai ndigi zaagi, nde nta ndi. Maanṅ muuṅgiap nde ndikndigiri. Zumgum Krai zi bakime za kirar hirga, nde guigira ndikndiga mbatigar muuṅv, nde ndavi nzerav kirga.

<sup>14</sup> Nde Krai zi suirigim, ana nden ki, mbe ne suaṅv buni mbatigir nde suav nde siṅrim, nde ne suaṅv ndikndigiri. Ne khaṅ muuṅgi, nde kaṅgi, Fhe Bakimen Nina Njaar, ana zi bakime gum ṅkasṅka bakime ki, mba Nina Njaar nden ki.

<sup>15</sup> Nde tuituigira wari ganiri, nde muuṅv kiv guma the shogirim, ana rimgi o, bigi thari kingirga o, harigi khesharigi tivi mbatigi ga muuṅgi o, harigi guman ñaara farfagi, mbe mba bigi ga suaṅv zaagir nden niṅga.

---

**4:12** 1 Ko 3.13; 1 Pi 1.6-7      **4:13** FG 5.41; Ro 8.17; 2 Ko 1.7; 2 T 2.12; Ze 1.2; 1 Pi 1.5-6; VB 1.9      **4:14** Sng 89.50-51; Mt 5.11; 2 Ko 12.10; Ze 1.12; 1 Pi 2.20      **4:15** 1 Te 4.11; 1 T 5.13; 1 Pi 2.20

16 Guma ana guigira Zisas kothigi, ana ne nzuav zaagi ndi, ana ne suany mberi thari. Zakira fhuvara! Ana mba guigira Zisas kothigi nen zi ndi, ana nen ndikndigiri. Ana nen ndikndigip Fhe Bakimen zi ndiv vun kuamkuari.

17 Fhe Bakime, nza ana ntiri, ana nza muungitivi ga suany nza suanga tuk, ana higi. Maan muungip, nza fharav ana nima thivirga, mba Fhe Bakime buna vhuuey daasui gumgi, mbe ana nima thivirga, ana mbe muungitivi ga suany mbe suanga, mbe buni ram mbui vhirza tivar muungirie?

18 Fhe Bakime buni vhuuiy ki gap khay nzuai, “Maan muungip, mba tivar vhuuiy mbui gumgi mbe njara mbatigara muungip, Fhe Bakime taagip mbe ndirga tuav kirga. Mba kir Fhe Bakime ga segap, tivi mbatigi mbui gumgi ram muungirie?”

19 Maan muungip, Fhe Bakime vuzvuk ma. Ana gumgi thari vuzvugi mbe zaagi ndirga, mba gumgi mbe wari ndiv Fhe Bakime farve khingip, mbe tivar vhuuiy muunri. Fhe Bakime nza muungiap, ana zazera tuituigira nza gari.

## 5

*Nde Fhe Bakime gumgi gu mbigi gari gumgir pani, nde guigira Zisas kothigi gumgi gu mbigi nde tuituigira mbe ganiri.*

<sup>1</sup> Gu ntigem nde sios gari gumgir pani, gu nde suan za mbui. Gu vhirira nde mbui njaarara mbui. Gu

---

**4:16** FG 11.26; Fi 1.20    **4:17** Jer 25.29; Mal 3.5; Ru 10.12-14; 23.31; 2 Te 1.8    **4:18** Snd 11.31; Ru 23.31    **4:19** Sng 31.5; Ru 23.46; 2 T 1.12    **5:1** FG 1.8; 1.22; Ro 8.17-18; VB 1.9

vhira won rīmanira, gu Kraiṣ garim, ana zaa ndigi. Gu zungum nza zam wari tīgira mba Fhe Bakime nzan nīn za suaṅgi bigir vhuuṅ, Kraiṣ ṅkaṣṅka bakime gu zi bakime zungum za kirar hīgirga, nza mba bigi ndirga. Maan muṅgiap, nde sios gari gumgir pani, gu maan muun zav nde nzuai.

<sup>2</sup> Nde tuituigira guigira Zisaṣ khotiḡi gumgi gu mbigi ganiri. Mbe sipsivi fara muṅgiap nden farven ki. Nde Fhe Bakime nde vuzvugi tiva zin ṅgip mba ṅaarar muuṅv, nde nen ndikndigiri. Nde muuṅv kiv, harigi ntiri vuzvuga zin ṅgip, mba ṅaarar muunga. Nde vhira vhezara suaṅv mba ṅaarar muuṅ thari. Fhuvara. Nde guigira mba ṅaarar muunga vuzvuk kiv, mba ṅaarar muuṅri.

<sup>3</sup> Nde gumgi ruu farar muṅgip kiv mba Fhe Bakime nde farve kḡiṅgi gumgi gu mbigi, nde mbe mbeviv, mbe kharav, vun ki thari. Fhuvara. Nde tivar vhuuṅra muuṅrim, mbe mba tiva ganiv, nde zin ṅgiri.

<sup>4</sup> Nde maan muṅgip mba tivar muunga, mba Sipsivi Gari Guman Vhari Kraiṣ, ana za kirar hīgirga, nde ne suaṅv, fharigi vheza vhuuṅ guarara ndigirga. Mba vhez, ana zazera mbara muṅgiap ki vhez ma, ana mbarigi vhez fhuvara.

*Nza wari ndiv Fhe Bakime farve kḡiṅgiri.*

<sup>5</sup> Mba tivar, nde gumgir ṅkaa, nde wari won gumgir pani piin kiri. Nde za kha tiva zin ṅgiri. Nde za wari mbevav, nde guigira Zisaṣ khotiḡi

---

5:2 Zo 10.11-13; 21.15-17; FG 20.28; 1 Ko 9.17; 1 T 3.3; 3.8; Ta 1.7; 1.11; Fm 1.14    5:3 Sng 74.2; 1 Ko 3.9; 2 Ko 1.24; Fi 3.17; 1 T 4.12; Ta 2.7    5:4 1 Ko 9.25; 2 T 4.8; Hi 13.20; 1 Pi 1.4    5:5 Snd 3.34; Ais 57.15; Ef 5.21; Fi 2.3; Ze 4.6

gumgi gu mbigi piin kiri. Nza kaŋgi, Fhe Bakime buni vhuuŋ ki gap khaŋ nzuai, “Fhe Bakime wari wo ziri ndi vunfi gumgi, ana mbe ziri mbevi. Ana wo ziri mbevi gumgi, ana mbe kora mbuav, tivar vhuuŋra mbe mbui.”

<sup>6</sup> Maan muuŋgiap, nde wari wo vuzvugi mbevav, nde Fhe Bakime hara ŋkasŋkani piin kiri. Nde kiv kirim, ana wo sarigi tugara, ana nde suirav nde vun fegirga.

<sup>7</sup> Fhe Bakime nde kora mbui. Maan muuŋgiap, nde mba ndi simtigi, nde nta ndiv, ana farve ga suri.

<sup>8</sup> Nde tuituigira wari ganiv, anan rargi kiri. Nden pana guma Satan, ana raion bakime fara muuŋgiap davav, mbur vov, khar zav ki. Ana zazera gumgi gu mbigir farfa zav mbe nzuav garav ki.

<sup>9</sup> Nde khaŋ tigip havhargip Zisas khotigip, Satan daanŋi mbur khangiri. Nde kaŋgi, guigira Zisas khotigi gumgi gu mbigi vhirve kha nuianan ki. Mbe vhira nde ndi simtigira ndi.

<sup>10</sup> Fhe Bakime ana mbarkirga kora muumbara, ana za ntan niŋge ma. Ana Krai Zيسان zin panan, ana nden kamgi. Nde ana phorgip, ana ŋkasŋka vhuuŋ bakime, ana zazera mbara muuŋgiap ki, nde ana phorgip, anan vhen kirga. Maan muuŋgiap, nde tuga tivanenra, nde zaa ndigirga. Ana zungum nden muuŋgirim, nde nzerarga. Nde ana khotigi ndikndik, ana anan havhargip, nden kurarim, nde ndikndigi

---

**5:6** Mt 23.12; Ru 14.11; 18.14; Ze 4.10      **5:7** Sng 37.5; 55.22; Mt 6.25-30; Fi 4.6      **5:8** Ru 22.31; 1 Te 5.6; VB 12.12      **5:9** FG 14.22; Ef 6.11-13; 2 T 3.12; Ze 4.7      **5:10** 2 Ko 4.17; 1 Te 2.12; 2 Te 2.17; 1 T 6.12; Hi 13.21; 1 Pi 1.6



havhargip, nde zazera thigi havhargirga.

<sup>11</sup> Ana nduara zazera mbara muunjiap ki njkasjka ki. Ne guigira guarara.

*Buni mbarivenj khare.*

<sup>12</sup> Gu kha bunivenj nzuaim, Sairas nta khergi. Gu ana garim, ana guigira nza phorgap Zisas kothigi guma ma. Gu kha gavar, gu Fhe Bakime nde kora mbuav won kora muumbarar nde khivav, nde mbui tivi bun nde suan za mbui. Ana nduara zazera mbara muunjiap ki njkasjka ki. Ne guigi guarara. Gu nduara ana kora muumbara guar, gu ana kanji. Gu maan muunjiap ana bun nzuai. Gu nde ndavi havharirgenj nzuav nde nzuai. Nde guigira thigi havhargip, ana kothigiri.

<sup>13</sup> Mba Babironan guigira Zisas kothigi gumgi gu mbigi, mba gumgi gu mbigi, Fhe Bakime mben nde phorga ruegi, mbe wari won raar vhuun nde ndii. Nan kam Mak, ana vhira won raar vhuun nde ndii.

<sup>14</sup> Nde zam mba guigira Zisas kothigi gumgi gu mbigi, nde mben harir suigip, mbe viaviv, mbe njkor paniri. Nde mba tivar mben muunga, mbe kanji, nde guigira mbe vuzvugiap, wari won ndavir mbe ndii.

Nde guigira Krais phorgi, nde ndavi mbirav wari kiri.

---

5:12 FG 15.22; 15.40; 2 Ko 1.19; 1 Te 1.1; Hi 13.22; 2 Pi 1.12 5:13  
 FG 12.12; 12.25; 13.13; 15.37-39; Kor 4.10; 2 T 4.11; Fm 1.24 5:14  
 Ro 16.16; 1 Ko 16.20; Ef 6.23

## **Fhe Bakimen Kaman Kamen Kire New Testament**

copyright © 2001-2004 Pioneer Bible Translators

Language: Kire

Translation by: Pioneer Bible Translators

### **Fhe Bakimen Kaman Kamen in the Kire Language**

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at [www.pioneerbible.org](http://www.pioneerbible.org)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

---

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468